

CONVENIO DE COLABORACIÓN ENTRE A FUNDACIÓN CIDADE DA CULTURA DE GALICIA E A FEDERACIÓN GALEGA DE MUNICIPIOS E PROVINCIAS PARA FACILITAR AS ENTIDADES LOCAIS QUE SE ADHIRAN, A CESIÓN GRATUÍTA TEMPORAL DE DIVERSOS ESPAZOS DA CIDADE DA CULTURA DE GALICIA.

MEMORIA XUSTIFICATIVA

A Directora Xerente da Fundación Cidade da Cultura de Galicia, **DECLARA:**

Que esta **FUNDACIÓN CIDADE DA CULTURA DE GALICIA** formalizou o 2 de abril de 2025 coa **FEDERACIÓN GALEGA DE MUNICIPIOS E PROVINCIAS** o instrumento convencional arriba referido por unha duración de catro anos dende a sinatura do convenio (1 de abril de 2029).

Que o instrumento convencional ten por obxecto regular a colaboración entre estas institucións, a fin de facilitar as entidades locais asociadas á FEGAMP, a cesión gratuíta, con carácter temporal e limitado no tempo, de diversos espazos da Cidade da Cultura de Galicia previstos no anexo III, segundo o calendario de actividades da propia Cidade da Cultura de Galicia, para a realización de actos promocionais, roldas de prensa, actividades culturais, turísticas ou de posta en valor do patrimonio dos concellos galegos.

Que o instrumento convencional que se pretende asinar se fundamenta no seguinte:

A Fundación Cidade Da Cultura De Galicia foi constituída como organización de natureza fundacional, de interese galego, sen ánimo de lucro, cun patrimonio afecto de maneira duradeira á realización dos fins de interese xeral propios da Institución. Mediante a Orde da Consellería de Presidencia, Relacións Institucionais e Administración Pública do 11 de xaneiro de 2000 (DOG núm. 11 do 18 de xaneiro), clasificouse a Fundación Cidade da Cultura de Galicia como cultural e adscribiuse á Consellería de Cultura. Por Orde da Consellería de Cultura do 19 de xaneiro de 2000 (DOG núm. 26 do 8 de febreiro) declarouse de interese galego e inscribiuse no rexistro de fundacións desta entidade co número 2000/1.

"a) As necesarias para converterse nun actor clave na difusión cultural, que serva de punto de encontro entre os cidadáns e a cultura.

b) As que contribúan a desempeñar un papel destacado no proceso de enriquecemento/aprendizaxe cultural da cidadanía, con especial énfase na adopción e uso das novas tecnoloxías.

*c) As tendentes a propiciar o **achegamento da Cidade da Cultura de Galicia dun xeito físico á cidadanía**, servindo como espazo de desenvolvemento de actividades non estritamente culturais, con especial énfase no lecer, o contacto coa natureza e o deporte.*



d) ***Cantas dinamicen o sistema cultural galego, promovendo a difusión e conservación da nosa cultura, e a formación dunha comunidade artística vibrante, atendendo tanto a autores de referencia como a novos talentos ou a cultura de base.***

e) ***As que fomenten a interrelación e os proxectos en conxunto entre axentes de distintos ámbitos das industrias culturais e creativas, con especial énfase na cooperación interrexional e a colaboración pública e privada.***

f) ***As axeitadas para posicionar o Gaiás como referente internacional de reflexión, debate e formación no ámbito da innovación na xestión cultural, que contribúa á profesionalización dos diferentes axentes e das súas iniciativas.***

g) ***As que impulsen o Emprendemento empresarial no ámbito das industrias culturais e creativas, con especial énfase en proxectos que favorezan a innovación, tanto tecnolóxica como non tecnolóxica, e a súa transferencia aos sectores máis maduros do tecido produtivo, servindo como plataforma de desenvolvemento e promoción da marca país Galicia.***

h) ***As actividades e accións que contribúan a converter á Cidade da Cultura de Galicia nun proxecto economicamente sostible e socialmente rendible, incorporando novos socios estratéxicos, tanto públicos como privados, e diversificando as fontes de financiamento para acadar a sustentabilidade do proxecto con independencia do ciclo económico.***

A Fundación Cidade da Cultura de Galicia se concibe como unha plataforma de proxectos para o desenvolvemento da cultura e da sociedade galega; crea oportunidades e dinamiza o conxunto do sistema cultural galego a través do impulso e a proxección cultural no seu sentido amplo, innovador e internacional. Este tipo de actividade da Fundación deriva do **II Plan Estratéxico da Cidade da Cultura de Galicia**, aprobado polo Consello da Xunta. En concreto se recolle na Acción 3.3.1 (Colaboración territorial), OE2. Consolidar a Cidade da Cultura como rótula do sector cultural galego, OO 2.1 Prestar colaboración e soporte a axentes públicos e privados relevantes de Galicia na definición e desenvolvemento das súas iniciativas estratéxicas, cuxos obxectivos son;

- Incrementar a visibilidade da acción da Cidade da Cultura ao longo do territorio de Galicia.
- Incrementar o uso de Cidade da Cultura por administracións locais.
- Crear sinerxías na planificación e desenvolvemento das actividades das administracións locais no Gaiás.

Esta acción prevé a interlocución cos concellos e deputacións galegas para fomentar a prestar apoio no deseño e execución de proxectos relacionados coas áreas de actuación do Gaiás e para os que os seus recursos e espazos poden ser un elemento diferencial na realización de actividades, actos promocionais, roldas de prensa, actividades culturais, turísticas ou de posta en valor do patrimonio.



Igualmente, a Fundación Cidade da Cultura de Galicia leva a cabo todo tipo de actuacións na procura da interrelación con axentes públicos e privados de distintos ámbitos, así como todas aquelas axeitadas para posicionar ao Gaiás como referente internacional de reflexión no ámbito cultural, e contribuír á difusión da cultura e o patrimonio galego e dos seus respectivos concellos.

Pola súa banda, **Federación Galega de Municipios e Provincias (en diante FEGAMP)** é unha asociación constituída polos Entes Locais que voluntariamente o decidan, cuxos fins estatutarios son, entre outros, os seguintes:

"a) Fomentar e defender a autonomía das entidades locais.

b) Promover, representar e defender os intereses das entidades locais ante outras administracións públicas.

c) A promoción e o desenvolvemento da cultura e lingua galega no ámbito local.

d) Promover e reivindicar ante os correspondentes poderes públicos canto estime oportuno na orde a lograr o teito competencial das respectivas entidades locais.

e) Fomentar a participación cidadá na vida local.

f) O desenvolvemento e a consolidación do espírito europeo no ámbito local baseado na autonomía e a solidariedade entre os entes locais.

g) A defensa en xuízo dos intereses da Administración local galega, se é o caso, así como as actuacións necesarias perante o Tribunal Constitucional, de acordo coa súa lei orgánica, en defensa da autonomía local.

h) Calquera outro que afecte ou incida de forma directa ou indirecta aos seus asociados ou á propia Federación."

A FEGAMP naceu en 1988 co obxectivo de promover, representar e defender os intereses dos organismos locais galegos; é unha entidade asociativa constituída polos 313 concellos galegos, as 4 deputacións provinciais e as 9 entidades locais menores existentes no ámbito territorial de Galicia.

A Fundación Cidade da Cultura de Galicia e a FEGAMP estiman relevante a formalización dun convenio de colaboración mutua que permita ás entidades locais asociadas á Federación Galega de Municipios e Provincias, a utilización dos diversos espazos da Cidade da Cultura de Galicia en actos promocionais de actividades culturais, turísticas ou de posta en valor do seu patrimonio, para reforzar a súa difusión e aunar esforzos na obtención dun maior alcance e cobertura publicitaria, cando así o demanden as entidades locais asociadas á Federación

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello



2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

Ana Isabel Vázquez Reboredo
Directora Xerente
Fundación Cidade da Cultura de Galicia

